



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 86. Neapolim petit, Alphonsum invisurus

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

solemni ritu coronatus est in Imperato- Sæcul. XV.  
A.C. 1452.  
rem Romanorum, necnon insignitus pal-  
lio, ense, sceptro, pomo, & corona Caroli  
magni, quæ ex Norimbergensi civitate  
hunc in finem delata fuerant. Imperatrix  
quoque post Cæsarem ex manibus Pon-  
tificis suscepit coronam, quæ olim a Mar-  
tino V. Sigismundi conjugii imposita  
fuerat. His peractis Fridericus Pon-  
tifici a Vaticana ad Sanctæ Mariæ Ec-  
clesiam, quam Transpontinam vocant, e-  
quitanti stratoris officium exhibuit, inde-  
que Papa ad Palatium redeunte, Impe-  
rator Albertum fratrem suum, pluresque  
Duces ac Comites ad Equestris ordinis  
honores promovit. Demum Nicolaus  
ad Lateranum se conferens, splendido ibi-  
dem convivio Imperatorem excepit.

## §. LXXXVI.

*Imperator Neapolim petit Alphonsum  
invisurus.*

Altera post coronationem die Impera- Nauclet. ge-  
ner. 49. p. 474  
color. 2.  
tor unacum Coniuge sua Neapolin  
petiit, Alphonsum Regem Imperatricis  
avunculum salutaturus, ubi etiam præter  
hebdomadam sanctam toto Paschate di-  
versatus est. Rex Neapolitanus, ut  
honoris sibi exhibito vices redderet, nul-  
lum erga Cæsarem liberalitatis officium  
prætermisit, eundemque magnificentia  
vere

**Secul. XV.** vere Regia excepit. Friderico dein Romanam redeunte, Æneas Sylvius elegantissima oratione nomine Imperatoris summo Pontifici gratias egit. Alia quoque ad Cardinales habita gratitudinis pensum exsolvit ob maxima ab eis recepta beneficia. Tandem tertia omnes Principes ad sacrum bellum adversus Turcas hortatus est. Denique Imperator mense Aprilis Roma discedens, Ferrariam contendit, ubi Borsium Marchionem Estensem, (erat is Nicolai Marchionis Estensis Filius naturalis) ob copiosa illius merita ac heroici animi virtutem Mutinæ ac Regii Ducem, & Rhodini Comitem creavit, eique concessit, ut gentilitio suo scuto Imperialem Aquilam infereret. Dedit quoque Paulus II, a quo anno supra millesimum quadringentesimo septuagesimo Ferrariæ Dux nominatus est, ut insignibus suis claves S. Petri adderet. Hic idem Borsius, ne quid inde legitimis Patris sui Filiis decederet, nunquam matrimonium inire voluit, quocirca eo defuncto Hercules Estensis legitimo thoro ex Nicolao III. Duce, & Richardæ Salutiarum Marchionis Filia parentibus Anno 1433. susceptus, in hæreditatem paternam successit.

*Naucler.*  
pag. 475.